

A DURUSEDU

Franceschino Satta

Unu bell'omineddu
felize in su manteddu
unu fror'e beranu
a prim'ora 'e manzanu

Tue fruttu 'e s'amore
nos das forza e lucore
lucore e alligria
dormi fizzu anninnia

Mamma e Babbu cuntentos
ti chircan mill'imbentos
pro chi crescas cuntentu
chin bonu sentimentu

Chin sentimentu bonu
de s'affettu su donu
su donu ch'intru 'e coro
balet unu tesoro

Su tesoro prus bellu
dormi frоре nos bellu
chin s'azudu divinu
azza pes su caminu

Su caminu 'e s'amore
non conoscas dolore
ma sa brama ei s'affettu
dormi fizzu diletto

Dae como preparo
sas cosas chi ti naro
pro andare a s'iscola
is crapitas del sola

Su gappotteddu 'e lana
e un iserpa galana
chin s'affettu 'e su sinu
su grimbiale 'e linu

Chin s'isprum'e su mare
cominzo a preparare
unu froccu distintu
de birtudes intintu

Libros e pinnas d'oro
ti do fizzu 'e su coro
pro chi a mannu duttore
diventes de s'amore